

اِسْتِغْنَا

نومرو ۱۶

بجانبہ

۱ کانون ثانی ۱۳۲۴

تزايد وممالك عثمانیه ده موجود توتون مستهلکری توتونی فیات حاضره سنه
نسبه غایت اهون آله جقدر در . شمدینی رژی اداره سنک تأسسنده کی فسادک الک
برنجیدی برچوق بی لزوم مصارف و سرمایه یه فائض و مؤسس و تمتع حصه لری کی مبالغ
کثیره بی قیاده بیلک ایچون باندرول رسمی اولمق اوزره مستهلکندن
یعنی تبعه عثمانیه دن وسطی اوله رق بهر کیلو توتوندن یکرمی بش
غروش المقدمه بولمسیدر کرچه دول سارده بوندن فضله آینور سده ممالک
عثمانیه الیوم وسطی اوله رق المقدمه اولان مارالذکر یکرمی بش غروش یک فاحشدر .
(مابعدی وار) دیوان محاسبات ریسی : راسخ

اجمال داخلی

مبعوثلرک مضبطه جوابیه لری بیضافت پادشاهی - کرید میتینی
استانبول ، ۳۰ کانون اول ۱۳۲۴

مجلس مبعوثانده آجلدینی کون اوقونان نطق پادشاهی به جواباً قلمه النان
مضبطه مجلسک ۱۵ کانون اولده وقوع بولان اجتماعنده قرائت و قبول ایدیلوب
کوندرلدی .

ذات شاهانه نک بیوک برمراق ایله بکلامش ودقلمه مطالعه اتمش اوله جنی
بومضبطه جوابیه قانون اساسینک کیفیت وضعنه و اوتوز ایکی ییل مدتیجه فعالاً
تعطیلنه دأر اولان حقایقی اولدینی کی اظهاردن صاقنامه ق نطق افتتاحیدن
ونظره کسل و عطالت ، فکره رخاوت کتیرن اسلوب معتاد رسمی بی برطرفه
براهرق تکلفسز ، آجیق و مردانه سوبلمکی متخلص و منحنی بروضعت الهرق
معناسی لوش الفاظ دیزبسی تشکیل ایتمامک جهتیلده اعیانک عریضه تشکر به سندن فرقلی در .
مضبطه کلخانه خطنک وانی تأییداً و توسعياً قانون اساسینک اعلاقی ایجاب
ایدن احوال تاریخیه مزه کو : کردردکدن صوکره ، نطق افتتاحیده ایلك مجلس
مبعوثانک طاغیدلسنه و قانون اساسینک تأخیر اجراسنه متدأر اولان حکایه بی
شرح و ایضاح ایدیسور :

« ملنک او وقتکی قابلیت و استعدادی درکارو قانون اساسینک بو قابلیت و استعداد
موافق اوله رق ترتیب ایلدیکی نزد شاهانه لرنده مسلم ، خط همايونلرنده مصرح ایکن
بعض رجال حکومتک احدات ایلدیکی مشکلات موهمه اوزرینه قوجه بر ملنک اقبال

و استقبالی بر تناقص غریبه فدا اوله رق قانون اساسیك تعیین ایتدیکی صور واشکالدن هیچ برینه موافق اولماق اوزره مجلس مبعوثان طایفیلشدی . او مشکلات موهمومینی احداث و ذات هایونلرینی اغفال اییلنلر ملک برات حریت و سعادتی اولان قانون اساسی حکامنه تجاوزله اکتفا ایتمیوب اهلینک سویه فکریه سنک عدم مساعدیه سی کی برهتان و افترایه جرأله افرض قانون مذکورک تأخیر اجرایی ده عرض ایلیه مدرکه ملتی استخفافه قدر جسارت کوسترمشلردی .»

مادامکه مملکت اوزمان قانون اساسی التنده اداره اولتمق قابلیتی کوسترمیوردی . نه ایچون اورجال دولت ، که «توصیه و عرض» لری ملک اتوز ایکی بیل ظالم براسارت ودهاش برسفالت ایچنده ایکلمسی انتاج ایتدی ، بو قابلیتی استحصال ایدمک یرده کرک کنیدیله اوجاقلرنده یتیشانلر کرک محیطی مساعد بولوبده صوکرده دن توره یوب اورده ینلر ملتی حسنات مدنیه و سیاسییه نیک کافه سنه قابلیتمیز قیلمنه چالیشدیله ؟ بومقصد اوغورنده اتوز میلیون خلقی حبس ایتدیله ؟ ملک استقبال و اقبالی تشخص ایتدیرن شبان کریده یی منفالرده ازدیله ، زندانلره کومدیله ، اشکنجه لرله اولدیله ؟ ملک عثمانیده حکمدار ثانی کیچین عزت التده برارده سذیه اولدینی حالده حدود مزنی آشدی ، شمعی عسکر مزه اعانه قابوط یاپدیره رق بزمه استهزا ایدیور . بومملکتک ادبارینه اک جوق سی ایدن محمود ندیم ویتشیدیرمه لریک بقیه منخوسی اولان فائق ده کمال سربستی ایله مصره کیتدی . فصله بوراده قالان یادکاران استبدادک عاقبتلری ایسه انقرده ویاقونییه ده آرام کرین استراحت اولمقدن عبارت کورونیور . مضبوطک طوغری سویلیور :

«مملکتده نشر و تعمیم معارف وظیفه سیله مکلف اولانلردن بعضلریک دماغلری چوروتک ، کوزلری کورلتک ایچون صرف ایتدکاری مساعی خاشانه رغما شکر اولسون که مدرکه ملت استعداد فطریسی و کشایش طبیعیسی مقتضیاتدن اولق اوزره انحطاط واقمق اقراض قطعی به منجر اوله جفنی و حقوق سیاسییه و مدینه دن کالیله استفاده ایتمکجه صحنه سیاست و مدینه ده تأمین وقع اتمک ممکن اوله میه جفنی اکلاهرق آمال عمومیه سی ذات هایونلرینه عرض ایتشد . . .

«ماضیده دخی اعتاد هایون ارباب اغراضک اغفلانته غلبه چالمش اولسه ایدی اتوز سنه ایچنده وطنک اطراف مختلفه سنده خرابلر برینه معموره لر . تدیسلر برینه تعالی و ترقیلر حصوله کلش اولور ، استبداددن نفساً و شخصاً استفاده ایدن بر شرذمه قلیله نیک منفعتنه اوله رق ملک قلیکهنده اوقدر جریحه لر آچیلش اولمازدی و بوکا بدل وطن هر یوزدن رفاه و سعادتیی ادراک اتمش اولور ، دولت عثمانیه جله دولیده

لایق اولدیغی مرتبهٔ سیاسیه بی چوقدن احراز ایتش بولنوردی »

بلغارستانک اعلان استقلالی و بوسنه و هر سکا آوستریایه الحاقی کیفیتنک
 « نزد شاهانه ده موجب اولدیغی تأسفانه بتون ملت اشتراك ایلدش » اولدیغی بیان
 ایلدیکله برابر بو حادثات سیاسیه « برماضی » مدیدسیات آلودک اثرنخوستی « اولدیغی
 علاوه ایدیلور و شرف و حقوق ملتی محافظه ایلدک شرطیه بومساله « برر صورت
 حل تجری ایتک عزم و رویتده بولنه جق اولان » هیئت وکلایه مجلسک هر درلو
 معاونت و مظاهرتی موعود ایسه ده بوهیئت « روح مشروطیته توفیقاً بمعنوان ملنک امنیت
 اعتمادی احراز ایتک و ملت مجلسنه قارشو مسئول اولوق » لازم کله جکی تصریح
 اولنور . بوقدر مضبوطنک بک مهم بیاناتندن اولدیغی کبی اسرافاتک منعیه
 امور مالیه نلک تنظیمی ، مملکت مزده صنوف و عناصر مختلفه نلک رفاه حال
 و سعادتک تأمین ، وطنک هر جهتنده مدارس و مکاتبک و هر نوع مؤسسات
 علمی و فیه نلک اصلاحی و مکاتب عمومیه ده بتون اولاد مملکتک حر و وطنی
 بر تربیهٔ سیاسیه یه مظهرتی ، تجارت و صنائع و زراعتک احیاسی قوای بریه
 و بحریه نلک تنظیم واکالی ایچوق « کک حکومتدن و کک مجلسجه لزوم کوریه جک
 قانون لایحه لرینک تدقیقه و وطنک احتیاجاته موافق و ملت عثمانیه نلک حسن تقدیر و قبولنه
 لایق قانونلر تنظیمه چالیشیله جقدر » عبارته سی ده اک زیاده جالب دقتدر . بمعنوان
 ملت شو افاده ایله نطق افتتاحینک « مجلس اعیانک تصدیقنه لایق قانونلر تنظیمه
 مصروفی هم کارا کاهیلری مأمولر » فقره سی جوابلاندیرمش اولیورلر . تعداد
 اولنان صور اصلاحیه ارسنده ذکر اولنان « حق قضای دولتک کمال استقلال ایله
 تأمین جریانی » قضیه سی « استشاره » صحیفه لرنده ماهیات مضره سی تشریح اولمقده
 اولان امتیازات اجنبیه نلک رفعی استحصال ایله تحقق ایلیه جک بر مهمه در .

مضبوطنک فقرات انتهاییه سی بمعنوانک آمالی اجمال ایلدکده در :

« هر حاله بتون بو آمال مبعوله موقیتنک کافل حقیقی بی اولان قانون اساسی ایله
 ملکمزک اداره سی حقنده کی عزم هایونلرینک قطعی ولایتغیر اولسنه بالتشکر عثمانی ملتنک
 بو بایدکی عزم عمومیسنکده بونه تعالی هیچ بر قوهٔ صارمه ایله صارصلیه جق درجه ده
 قطعی ولایتغیر اولدیغی و حاکیت ملیه نلک تمثالی اولان مجلسمزک یوم کشاندنه حکمداری ایله
 ملت آرمسندکی حوائل و موانعک رفعنه دلالت باهره اوله رق ذات شاهانه لرینی قارشیمزده

کورمیش اولقله حس ایتدیکز عظیم افتخار و محظوظیتی عرض ایتمکه بز دخی بختیار اولیورزه - قابیزده یالکز ومان و مات محبتی فیضان ایدیور. بتون املز ملک و ملته خیرلی ایشلر کورمکدر. رهبرمز مصباح مساوات و اتحاد، مقصودمز ایسه عدل و حقدر. اوتوز میلیون خلقک محافظه حقوقی تمهد ایتدک. عهد و کالتزی ایفاده تعزیر وجداندن خوف خدادن بشقه بز اندیشهمز یوقدر ...»

وقار و متانله سولیه ن بوسوزلر حسیات ملیه یی تلطف ایدیور سهده مبعوتر مزدن بر طاقنک اقوالی اعماله پکده اویغون اولمدینی کورونیور . کانون اولک اون سکرنجی کونی اقسامی کندیلرینه مخصوصاً بیلدیزده ویریلن ضیافتده بعضلرینک تشبیهی و بعضیسنک ده ضعیفی نتیجه سی اوله رق کورولن اوضاع و حرکات تنقیددن قوریتله مامشدر . ضیافتدن قبل الوقوع مجلس مبعوثانده بحث اولنورکن : «چاقی اوپه جکر ؟» کبی معیندار سؤلرله مذاکره جریان ایتش ایدی . سرایک مدخلنده بر بلوک عسکر و «شاله» قصرینک اوکنده ده تفنکی بلوکی ضابطان و افرادی جانبندن سالاملاندقندن و داخل قصرده تشریفات مأمورلری طرفندن استقبال اولندقدن سوکره قائماً و رودلرینه منتظر اولان ذات پادشاهی به سلام عسکری به یقین بررسلام ویرن مبعوث اقدیلرک حالت روحانیه سی بالاخره سرایک مناظر مدیده و محشمه سته بیکانه قالماش و سفرده ره بسلرینک بارداغنه کندی ایله صوقویان و هر برینی جالب منت بروضیت ویا کوکل اوقشاییحی برکله ایله جذب ایدن عبدالحمید ثانی حضرترلرینک هر نه زمان ایسترسه مرتبه کالنده کوستردیکی نزاکت ، تواضع و محویتله مسحور اولوب قالمشلردر . ۱۰ تموزدن اول موسیقی اربابی و هوسکارانی - سس چیقاراجق یر بوله بیلدیکه - سانسوری خاطر دن چیقارمز . ومثلاً «مارسه یز» ی ایچلرندن سولیه بیلیرلردی . ینه اوتار یخدن اول صحائف مطبوعه ده قرداش و قرداشلکه متعلق سوزلر عتف وشدتله چیقاریلیردی . کانون اولک اون طقوزنجی کیجه سی بیلدیز حریت مارشی دیکلدی ویمک لیسته لرنده کی «دوت قرداشلر طاتلیسی» نی قید ایدن مطبوعات سانسوره بر خنده استخفاف دها یوللادی ... ملنک شوغلبه سی بادی انشراحدر . فقط بز ایستردک که مبعوثان تمکینی الدن بر اقوبده سونمکده چوجوقلغه دونمش

و پادشاهك اللّٰهینی ، انككربنی و صقالنی مكرراً او پمكده افراط و از عاچه وارمش و نطق نامنه «پادشاهم زده بخیاردر ، ملت مزده» جمله سنی باغیر مق ایچون صندالیه اوزرینه چیقمش اولمسونلر . دیدكرمز مبعوثانك عمومته شامل دكدر . اسماعیل كمال بك ابوالضیا توفیق بك ودها ر قاج مسلم مبعوث ایله استانبولك ارمی مبعوثلری و طشره ارمی مبعوثلرندن بشی ضیافتده بولمیدلر . بوضیافتده ولی عهد اول رشاد و ولی عهد ثانی یوسف عزالدین آقندیلر حضراتنك بولناملریده نظر دقتی جلب ایتمشدر . مجلس مبعوثان آقلدینی کون دخی چاغیرلما مشلر ایدی . ۱۰ تموز وقعه مبجله سی مستقبلك پادشاهلرینی دیوار ارمسندن چیقارمش ایسده بونلرله ملتك ارمسنده الان مسافه موجود بولنیور . تاریخ عثمانی بویه باشلاماش و صورت ابتدائنده آتجق خیر کورمشیدی . سلطان اورخان بروسه فتحندن صوکره مرمره سواحله استیلا ویزانك قلبنه تقرب ایدرکن حق سلطنتندن وازچكمش ، كوچك برادرینك وزراتی قبول ایلمش اولان شهزاده علاءالدین جندره لی قره خلیل ایله باش باشه اوطوروب امور حكومتك تنظیمیه اوغراشیور و دورشكوه و اقبالمترك عوامل مهمه سندن اولان یكیچری اوچاغنی تأسیس ایلیوردی . اورخان و علاءالدین ملت عثمانیه نك یوزینی آغارتان اجداد پادشاهیدن در .

بونكله برابر «هرشی بردن اولماز» دینلری تكذیب اده جك بن دكلم ! تاریخ عثمانیه شكل مشهودنده منلی م بوق اولیان بوضیافتك ختامنده پادشاه نامنه باش كاتب جواد بك ینه اوقالین ، كورسس ایله شو نطق اوقودی :

«حق تعالی حضرتلری سعادت حالی مزداد ایلسون بالجله ملت عثمانیه مك [۱] و تبعه شاهانه مك وکیلرله یعنی بتون ملتله [۱] بواقشام برلكده طعام ایتدیكمدن طولانی حقیقه و جدایك ممنون اولدم . بویكجه کی شو حال ظن ایدرسم دولت علیه نرك تاریخنده ایلك دفعه كورلش بروقه متینه در . تبریک ایدرم . امانال کثیره سنك تکررله جمله منی مشرف ایلسون . بوجیت مسعوده قانون اساسیمزك دولت مزه ، ملت مزه [۱] بخش ایتدیکی والی ماشاءه تعالی ایلروده بخش ایده جکی آثار فیاضانه نك مبدأ و دلیلی اولدیغندن شایان تحیدلر .

[۱] «ملت» ایله «امت» ی دائما قاریشدران و کیم نه دیوسه دیسون قرون وسطاده یشامق ایسته بن محمود اسعد افندی حضرتلرندن تنقید بکراز !

«مبعوثان افنديلر، شوراسی معلومکنز اولسون که سلطنتک، دولتک تکمیلان حقوق اول ام صکره ملت و مجلس مبعوثان ملتدر.»

حاکمیت ملیه بی یک صریح بر صورتده تصدیق ایدن اشبو فقره نطق حکمداری سورکلی آقیشلر مظهر اولمشدر.

مجلس مبعوثان قانون اساسینک اصلاح واکالنه یقینده نشبت ایدم جکدر. اشبو افاده پادشاهی ملتجه سند اتخاذ اولنمشدر. نطقک فقرات آیه سی دخی شدتلی آقیشلر ارسنده قرائت ایدلدی :

«بناءً عل ذلك وظیفه کنز هم مهم هم مقدسدر. سعی و غیرتکنزک و قصد و نیتکنزک یو اهمیت و قدسیته متناسب اولسی قطعاً مطلوبدر. آشته یو حقوق مقدسه بی ضامن و کافل اولان قانون اساسیمز احکامکنک بعنایة الکریم محافظه سنده نصب نفس ایندیکنی و یونک خلافنده بولنه حق هر یکیم اوله حق اولورسه اولسون انک الک برنجی خصمی و الک برنجی دشمنی خلیفه کنزو پادشاهکنز صقیله بن اوله جفمی تأمین و تأیید ایدرم...»

بوسوزلر معهود «رجال دولت» ایچون مرثیه یرینه کچر !

نطق شو دعا ایله یتمشدر :

«الله تعالی حضرتلری دولت و ملتیزک و وطن مقدسزک سعادت و سلامت امرنده کی سعی و غیرتیزه معین و ظهیر اولسون.»

مبعوثلر سرایدن حسن اداره و مهارت سیاسیة درسی آلمش اولدنلری حالده چیقشمش ایسه لر کارلی چیقشمشدر دیمکدر.

صوک ابراهیمک تاریخ نشری اولان ۱۶ کانون اولدن بروکورولن وقایع مهمه دن بریده کانون اولک یکریمی یدنجی کونی استانبولده وقوع بولان اجتماع عظیمدر. بوسنه و هرسکک آوستریایه الحاقی و بلغارستانک اعلان استقلالی حادثهلرندن صوکره کریدک دخی یونانستانه ضمیمه ملک ایدلمسی هوسلری یونانستانده و کریدده طاشقینلق کوسترمکه باشلادی. قارئلرمزه معلومدر، کریدده خرسیتیانلر اهالی مسلمه بی غدارانه و وحشیانه قووالار و حققلرنده هر نوع ظلمی روا کورورکن قرال یورکی استحصال مقصد ایچون اوروپا قاینهلرینی طولاشیور، انلردن روی موافقت کورمدکجه متعظمانه و تهدیدکارانه بیاناده بولنیور. و الحاق سوزلری یونان مجلس ملیسنده طولاشوب مباحثه زمینلری تشکیل ایدییوردی. کرید قدر

فتحنده قان وپاره دوکدیکمز واصلاحتنه انک قدر چالیدشدیغمز بربر یوقدر .
 توجهنی دأما لایق اولدینی ملتہ صرف ایتیان اوروبانک مظاهرتی سایہسندہ بزم
 ضررمزہ توسیع ملک ایتکہ آیشمش اولان یونانیلر بودفعہ دخی کریدی بلع
 ایتکہ یلتمکدهدرلر . شونک برخیال خامدن عبارت اولدینی استانبول خلقتدن
 یوزبیک کشیک اشتریکلہ سلطان احمد میدانندہ عقداولنان متینیمده اکلاتلمشدر .
 متینیمہ مکتب طلبہ سنک ، شہر مزده بولنان کریدایلرک ، روم ایلی مهاجرلری
 وچرکس و بوسنہ وهرسک جمعیتلرینک کافہسی اشتراک ایلمش و بونلرہ اکابر
 واصنافدن برچوق آدم قاتلمیش ایدی . جمعیت حقیقہ مہیب ومع هذا بک وقورو
 منتظمیدی . سلطان احمدہ و مجلس مبعوثان واعیان دأرہسی اوکنندہ نطقلر
 اراد اولندی ، احمد رضا بکدن :

« کرید جزیرہ سی ممالک عثمانیہ دن معدوددر . ہر حالہ کرید حقیقہ کرک مجلس
 مبعوثان و کرک حکومتجہ اجرا ایدیلہ جک معاملات و تدابیر حقوق وعہود موجنبہ اولہ جقدر »
 سوزلری ایشیدلیدی . کندوسنہ بر پروتستونامہ تودیع ایدیلن صدر اعظم کامل
 پاشانامہ دخی باب عالیہ شو افادہ اوقوندی :

« کریدک یونانستانہ الحاق شایہلری بونی ارزو ایدن کرید خرسیتانلرینک خدعہسی
 اثریدر . یونانستان حکومتی بونی قبول ایتدی . حکومت عثمانیہ بویلہ بر شایہ نک
 عدم تحقیق ایچون ہر درلو مساعی بی صرف ایلکدن بر ان خالی قالامقدہدر . دول
 اجنبیہ حکومت عثمانیہ نک فکرینی تصدیق ایتکده و مساعیسنی تأیید ایلکده اولدقلری
 جہتلہ بویلہ بر الحافک وقوعی قطعاً ملحوظ دکادر . بو غزتہ لک نشریاتدن منبعث
 برکیفیتدر . »

متیننک طولایسیلہ تأثیراتی فکر اتحادک تقویہ سندہ وموقعی متزلزل کورولان
 کامل پاشانک بیوک بیوک آتیشلرہ مظهر اولہرق موقعنک قوت بولمسندہ تظاہر
 ایتمشدر . کامل پاشا داخلی وخارجی اجرا آتہ دأر ایضاحنامہ سی یارین مجلس
 مبعوثانده اوقویہ جق . قابینہ بی دہ ویرمک امللری ضعف بولمشدر . یارین کامل
 پاشانک مجلس مبعوثانی معتمد آ ترک ایلہ جکنہ شہہ مز یوقدر . — ابن الضیا .

لاحقہ . — کرید متیننک اسافل ناسدن مرکب اولدینقی و مجلس مبعوثان
 دأرہسی اوکنندہ بر طولومبہ جینک عربان یساغانیلہ خلقہ یول آچدینقی یازان

«پروتودوس» يك بياغی بالانجیلفندن ، حیاتلغندن ، نانکورلکندن برغونه
دها کوسترمش اولدی. صاحبی اولان یونانی بی حکومت نه وقت قولندن طوتوب
ملکتزدن آنه حق؟ بوتدیره قانوناً وعهداً امکان وجواز واردر . او امکاندن
استفاده ایتماک ایچون سبب ایسه قولای بولغاز .

اجال خارجی

۱۹۰۸ سنه سی تاریخ جهانده يك فجیع و مؤلم بر حقیقه ماتم براقه رق
ختمه ایردی . بتون عالم نصرایت ییل باشی یورطیسی شاطرانه بر صورتده
کچیرمک ایچون بر شوق واعتنا حاضرلغنده ایکن رأس سنه دن اوچ کون اول
یعنی کانون اولک یکریمی سکرنجی کونی ایتالیا نك جهت جنوبیه سنده وقوعه کان
مدهش بر حرکت ارض هواسی لطیف، منظره سی دلفریب اولان بو حوالینک
ایکی بلده معموره سی بر ایکی ثانیه ظرفنده خاک ایله یکسان، وانقاض آلتنده قالان
سکنه سندن ایکی یوز بیکی متجاوز نفوسک هلاکی ایله بتون ایتالیایی ، بتون
عالم مدینتی نالان ایلدی. ممالک متدنه نك کافه سی بو فلاکت عظمادن طولانی
ایتالیایه بیان تعزیت، آفرزدکانه یاردمه مسارعت ایتدیلر. ایتالیا مجلس مبعوثان
ریسی ایله باش وکیلی بو آثار انسانیتکارانه یه تشکری حاوی اوله رق قشارده
غایت بلیغ و مؤثر نطقلر ایراد ایتدیلر، فلاکتک درجه وسعتندن بحث ایلدیلر.
فی الحقیقه مسینا وره جیو بلده لرینک محو اولمیرینه باعث اولان بو آفت تاریخ عالمده
امثالی نادر مصیبتلردندر . جهان انسانیت بوکانه قدر تأثرخوان اولسه سزادر ،
فقط برازده افکارمزه بشقه بر جولان وبره لم! بو کون بر حادثه طبیعیه سوقیه
ایکی یوز بیسک کشینک ضیاع ابدیسی بتون جهانی ماتم ایچنده براقیور ، حتی
بعض عقیده سزلی بر عصبیان وجداتی به سوق ایدیورده صکره اوتوده ایکی
حکومتک، ویا حکمدارک رای وقراریله آجیلان بر محاربه یوزندن یوزبیکلرجه
کنجلاک بلکه ده فجیع بر صورتده خاک هلاکه سرلمسنه کسه برشی دیمیور ،
طرفینک کوستردیکی خونخوارلنی شجاعت، بسالت، حماست کی اوصاف مبجله ایله